



SIARAN AKHBAR

Untuk Siaran Segera

CETA Menerajui Visi Peralihan Tenaga Malaysia

Kuala Lumpur, 9 Oktober 2024 — *Pameran dan Sidang Kemuncak Peralihan Tenaga Bersih Asia (CETA) memacu penyelesaian tenaga lestari di seluruh Asia*

Pameran dan Sidang Kemuncak Peralihan Tenaga Bersih Asia (CETA) dilancarkan pada hari ini di Pusat Konvensyen Kuala Lumpur (KLCC) dan telah menarik kehadiran pelbagai pemimpin industri dari sektor tenaga bersih dan hidrokarbon. Acara ini bertujuan mempercepat peralihan Asia ke arah masa depan tenaga yang lestari dengan menggalakkan kerjasama dan inovasi di kalangan pihak berkepentingan.

Timbalan Perdana Menteri dan Menteri Peralihan Tenaga dan Transformasi Air, YAB Dato' Sri Haji Fadillah Yusof, menyampaikan ucapnama, menekankan betapa pentingnya kerjasama strategik antara sektor dalam memajukan inisiatif tenaga bersih.

YAB Dato' Sri Haji Fadillah Yusof menggesa kerjasama yang lebih kukuh antara kerajaan, pihak berkepentingan industri, sektor swasta, dan negara ASEAN lain untuk memacu agenda serantau bagi kelestarian dan transformasi tenaga.

“Dalam menyediakan Malaysia untuk memegang jawatan Pengerusi ASEAN pada tahun 2025, kita mempunyai peluang besar untuk memimpin rantau ini dalam memajukan perdagangan tenaga boleh diperbaharui merentasi sempadan. Inilah masanya untuk kita memacu perkongsian pengetahuan, memajukan inovasi dasar, dan meletakkan Malaysia sebagai pemimpin serantau dalam peralihan ke arah tenaga yang lebih bersih,” kata beliau.

CETA memainkan peranan penting dalam menyokong pelaksanaan Pelan Hala Tuju Peralihan Tenaga Negara (NETR), yang menggariskan komitmen Malaysia untuk mengurangkan pelepasan karbon sebanyak 45% menjelang 2030 dan mencapai pelepasan karbon sifar bersih menjelang 2050, sejajar dengan Perjanjian Paris 2015.



Dengan mempromosikan kerjasama serantau dan menggalakkan kerjasama antara pihak berkepentingan utama, CETA akan menjadi platform penting untuk dalam menjayakan matlamat tenaga bersih Malaysia, pada masa sama menyediakan pelan tindakan untuk negara-negara ASEAN yang lain.

Sidang Kemuncak CETA memberi tumpuan kepada tema-tema kritikal, termasuk Kepimpinan Dasar & Tenaga, Pengembangan Tenaga Boleh Diperbaharui, Ekonomi Hidrogen, Pembiayaan Inisiatif Sifar Karbon, Jambatan Peralihan, dan Masa Depan Mobiliti CASE (Mobiliti Elektrik Terhubung, Berautonomi, dan Dikongsi untuk ASEAN).

Sesi-sesi tersebut akan menampilkan Ucaptama Menteri, Panel Kepimpinan Global, dan Meja Bulat Kepimpinan Menteri-CEO yang eksklusif, yang menggalakkan dialog mengenai strategi inovatif untuk mempercepat pelaksanaan tenaga bersih.

Melalui perbincangan kolaboratif dan kerjasama strategik, Sidang Kemuncak ini bertujuan mempercepat pelaksanaan projek tenaga boleh diperbaharui, pada masa sama menyokong teknologi terobosan seperti penangkapan dan penyimpanan karbon (CCS). Usaha ini adalah penting untuk memastikan peralihan yang lancar ke arah masa depan tenaga yang lestari selaras dengan hasrat Malaysia untuk mencapai pengeluaran karbon sifar bersih menjelang 2050.

CETA diadakan serentak dengan Persidangan dan Pameran Teknologi Hijau dan Produk Eko Antarabangsa Malaysia (IGEM) 2024, mewujudkan platform komprehensif untuk pihak berkepentingan dalam sektor awam dan swasta bekerjasama mencipta penyelesaian inovatif yang memacu kelestarian serantau dan keselamatan iklim.

Sidang Kemuncak ini menampilkan pakar dari organisasi terkemuka, termasuk PETRONAS, Tenaga Nasional Berhad, Shell Malaysia, MUFG Bank, Maybank, dan Toyota Motor Asia.

Dianjurkan oleh The Co_Lab Pte Ltd, CETA diadakan di bawah naungan Kementerian Sumber Asli dan Kelestarian Alam (NRES) dengan Malaysian Green Technology and Climate Change Corporation (MGTC) sebagai rakan strategik, dan PETRONAS sebagai Penaung Industri.

McKinsey & Company sebagai Rakan Pengetahuan dan Rystad Energy sebagai Rakan Strategik menyertai CETA bagi menyediakan penyelidikan dan pandangan yang boleh mengukuhkan impak acara ini terhadap industri.



Lebih 500 pempamer dan penaja serta jangkakan kehadiran 50,000 profesional dalam bidang tenaga, Pameran dan Sidang Kemuncak CETA dan IGEM menawarkan peluang yang tiada tandingan bagi peserta untuk meneroka dan mendapatkan penyelesaian inovatif untuk memajukan matlamat perniagaan mereka.

Untuk maklumat lanjut, sila layari www.ceta.asia.

Mengenai CETA

Pameran dan Sidang Kemuncak Peralihan Tenaga Bersih Asia (CETA) adalah acara terkemuka di Asia yang memacu peralihan tenaga serantau dengan mengabungkan sektor tenaga bersih dan hidrokarbon. CETA bertujuan mempercepat usaha kelestarian di seluruh rantau ini dengan menyelaraskan strategi nasional, seperti NETR Malaysia, bagi memastikan masa depan yang adil, selamat, dan mampu milik untuk semua.

Diadakan serentak dengan Persidangan dan Pameran Antarabangsa Teknologi Hijau dan Produk Eko Malaysia (IGEM) 2024 dan MobilityX, CETA merupakan inisiatif di bawah Kementerian Sumber Asli dan Kelestarian Alam (NRES) Malaysia.

Mengamalkan pendekatan bersepadu dan menyeluruh dalam sektor tenaga, CETA akan mengumpulkan pemain dalam sektor tenaga bersih dan hidrokarbon melalui pameran dan sidang kemuncak yang memberi tumpuan kepada empat teras utama yang kritikal untuk peralihan tenaga di rantau ini: Peningkatan Tenaga Boleh Diperbaharui, Hidrogen, Karbon, dan Bahan Api Peralihan.

Mengenai IGEM

IGEM merupakan acara perdagangan terbesar di Asia Tenggara untuk teknologi hijau dan penyelesaian eko. Sejak sekian lama, IGEM telah berjaya menjana hampir RM41 bilion dalam petunjuk perniagaan sejak penubuhannya pada tahun 2010. Sehingga kini, IGEM telah menarik lebih 530,000 pengunjung, termasuk delegasi, pegawai tinggi, dan syarikat dari lebih 112 negara.

Untuk pertanyaan media, sila hubungi: marcomms@ceta.asia.